



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Labour, Social Policy, Displaced
Persons and Refugees**

Na osnovu čl. 4. i 22. stav (2) Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", br. 10/20 i 18/20), čl. 5. tačka d) i 6. Uredbe o kriterijima za finansiranje programa i projekata neprofitnih organizacija i udruženja koji se finansiraju /sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12-Ispravka, 37/13, 16/14 i 6/17), člana 6. Pravilnika o postupku po javnom pozivu za dodjelu novčanih sredstava neprofitnim organizacijama i udruženjima ("Službene novine Kantona Sarajevo", br. 9/17, 21/17 i 24/17), i čl. 1. i 3. Odluke o raspisivanju Javnog poziva za dodjelu novčanih sredstava humanitarnim organizacijama/neprofitnim organizacijama/i udruženjima koji se finansiraju/sufinansiraju od strane Ministarstva za rad, socijalnu politiku, raseljena lica i izbjeglice Kantona Sarajevo kao nosioca budžetskih sredstava, broj: 13/01-02/1-31-22838/20 od 01.07.2020. godine, ministrica za rad, socijalnu politiku, raseljena lica i izbjeglice Kantona Sarajevo raspisuje

JAVNI POZIV
za dodjelu novčanih sredstava humanitarnim organizacijama/neprofitnim organizacijama/ i udruženjima za 2020. godinu

I - Predmet Javnog poziva je dodjela novčanih sredstava humanitarnim organizacijama /neprofitnim organizacijama/ i udruženjima u svrhu finansiranja/sufinansiranja projekata iz oblasti rada, socijalne politike, raseljenih lica i izbjeglica, a čiji su projekti, programi ili aktivnosti od interesa za građane Kantona Sarajevo (u daljem tekstu: Kanton) ili doprinose razvoju i afirmaciji Kantona i provode se na području Kantona.

II - Opći kriteriji za dodjelu sredstava

- Registracija udruženja na bilo kojem nivou vlasti u Bosni i Hercegovini
- Realizacija projekata udruženja koji su od interesa za građane Kantona ili doprinose razvoju i afirmaciji Kantona i provode se na području Kantona
- Ekonomska ili društvena opravdanost projekta koje udruženje predlaže i provodi
- Program rada za tekuću godinu sa obrazloženjem
- Finansijski plan za tekuću godinu



- f) Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu)
- g) Finansijski izvještaj o utrošku sredstava za projekte odobrene u prethodnoj godini
- h) Organiziranost i broj članova udruženja/humanitarne organizacije/neprofitne organizacije/
- i) Broj lica koja učestvuju u realizaciji projekata
- j) Specifičnost potreba članova udruženja/humanitarne organizacije/neprofitne organizacije/, odnosno populacije koju zastupaju
- k) Rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom

III – Posebni kriteriji po ovom javnom pozivu su:

- 1) Projekti obezbjeđivanja raznih pomagala pri zadovoljavanju svakodnevnih potreba lica sa invaliditetom
- 2) Projekti pružanja pomoći od drugog lica (stara i iznemogla lica, lica sa invaliditetom i drugi kojima je ta pomoć potrebna)
- 3) Projekti za provođenje posebnih oblika rehabilitacije i resocijalizacije lica sa invaliditetom i drugih osjetljivih kategorija iz nadležnosti Ministarstva za rad, socijalnu politiku, raseljena lica i izbjeglice Kantona Sarajevo
- 4) Aktivnost i uključivanje što većeg broja lica s invaliditetom u rad udruženja
- 5) Projekti i aktivnosti na realizaciji stimulativnih mjera zapošljavanja lica s invaliditetom i pripadnika nacionalnih manjina
- 6) Projekti i aktivnosti udruženja registrovanih za oblast socijalne i dječije zaštite koje su usmjerene na unapređenje zaštite porodice sa djecom, a za cilj imaju pružanje podrške porodicama čiji je jedan od članova osoba sa invaliditetom, kroz psiho-socijalnu podršku i zbrinjavanje na poludnevnoj osnovi, u svrhu njihove pune integracije u lokalnu zajednicu i odrastanja u vlastitoj porodici
- 7) Projekti i aktivnosti udruženja registrovanih za oblast socijalne i dječije zaštite namijenjene poboljšanju položaja djece samohranih roditelja, višečlanih porodica sa većim brojem djece i porodica pod rizikom od razdvajanja od djece
- 8) Projekti zaštite i borbe protiv nasilja u porodici i nasilja na osnovu spola
- 9) Projekti i aktivnosti udruženja koja se bave hroničnim, neizlječivim, somatskim oboljenjima – autoimune i rijetke bolesti koje ostavljaju trajni invaliditet, a oboljeli su u stanju potreba
- 10) Projekti humanitarnih organizacija koje se bave humanitarno – socijalnom djelatnošću vezanoj za kategorije korisnika definisane Zakonom o osnovama socijalne zaštite, zaštite civilnih žrtava rata i zaštite porodice sa djecom (“Službene novine Federacije Bosne i Hercegovine”, br. 36/99, 54/04, 39/06, 14/09, 45/16 i 40/18) i Zakonom o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, br. 38/14 – Prečišćeni tekst, 38/16, 44/17 i 28/18).



Dokumentacija koju je potrebno dostaviti u originalu ili ovjerenj fotografiji

- a) Popunjen obrazac za aplikaciju za finansiranje/sufinansiranje projekata koji se nalazi na web stranici Ministarstva www.mrsri.ks.gov.ba, a koji sadrži: naziv projekta, opis problema/potreba, kratak opis projekta, ciljeve, ciljne grupe, plan realizacije projekta, osoblje i budžet
- b) Rješenje o registraciji i uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, a koje će ovo ministarstvo pribaviti po službenoj dužnosti
- c) Uvjerenje o poreskoj registraciji - identifikacioni broj
- d) Uvjerenje o izmirenim poreskim obavezama, ne starije od tri mjeseca
- e) Uvjerenje o izmirenim porezima i doprinosima za zaposlenike (ukoliko ima zaposlenika)
Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje
- f) Bilans stanja i bilans uspjeha za 2018. godinu, ovjereni od strane nadležne poreske uprave
- g) Izvještaj o utrošku sredstava za projekte odobrene u prethodnoj godini.

Udruženja koja su registrovana u prethodnoj godini i nisu dobili sredstva za projekte, nisu dužni dostaviti dokumentaciju pod tačkama 6. i 7. ovog javnog poziva.

IV – Pravo učešća na ovom javnom pozivu nemaju humanitarne organizacije/neprofitne organizacije/ i udruženja koja se stalno finansiraju od strane Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), prema Zakonu o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, br. 38/14 – Prečišćeni tekst, 38/16, 44/17 i 28/18).

V – Javni poziv će biti objavljen na Internet stranici Kantona Sarajevo, www.mrsri.ks.gov.ba i u najmanje jednim dnevnim novinama visokog tiraža koje se distribuiraju na području cijele Bosne i Hercegovine.

VI – Za provođenje Javnog poziva i realizaciju cjelokupnog postupka i dodjele sredstava ministrica će imenovati Komisiju koja će cijeniti opravdanost zahtjeva i kvalitet predloženog projekta, programa ili aktivnosti, izvršiti bodovanje i procjenu u cilju donošenja odluke o dodjeli sredstava neprofitnim organizacijama i udruženjima.

Aplikanti dostavljaju samo po 1 (jedan) projekat.

VII – Rok za podnošenje zahtjeva za dodjelu sredstava po Javnom pozivu je 15 (petnaest) dana od dana posljednje objave.

VIII – Zahtjevi za dodjelu sredstava se podnose u zatvorenoj koverti na Protokol Kantona Sarajevo ili poštom na adresu: Ministarstvo za rad, socijalnu politiku, raseljena lica i izbjeglice Kantona Sarajevo, u. Reisa Džemaludina Čauševića broj 1. Sarajevo, sa naznakom “prijava na Javni poziv za dodjelu novčanih sredstava humanitarnim organizacijama/neprofitnim organizacijama/ i udruženjima za 2020. godinu – ne otvaraj”.



IX – Neblagovremene zahtjeve Komisija neće uzeti u razmatranje i vratiti će se neotvoreni uz dopis. Nepotpune zahtjeve Komisija će odbaciti i o tome obavijestiti podnosioca zahtjeva.

X – Rezultati Javnog poziva objavit će se na Oglasnoj ploči Kantona Sarajevo i na web stranici Ministarstva. Na web stranici Ministarstva se mogu preuzeti i obrasci navedeni u ovom javnom pozivu (prijavni obrazac i obrazac za narativni i finansijski izvještaj).

XI – Sredstva odobrena po osnovu Javnog poziva moraju se iskoristiti za realizaciju kandidovanog projekta, pri čemu se korisnik sredstava mora pridržavati važećih propisa.

XII – Doznačavanje odobrenih sredstava aplikantima vrši se nakon donošenja odluke u skladu sa operativnim planom i raspoloživim sredstvima u Budžetu Kantona Sarajevo.

Broj: 13/01-02/1-31-22838-1/20
Sarajevo, 06.07. 2020. godine

MINISTRICA

Jasna Agić



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1





web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1

